



Broj: 02-01-1104/2018.  
Sarajevo, 23.08.2018. godine

Na osnovu člana 18. stav (1), člana 21. pod d), člana 24. pod a) i člana 28. Zakona o javnim nabavkama („Sl. glasnik BiH“, broj 39/14), Direktor Kantonalnog stambenog fonda Sarajevo (Fond) kao Ugovornog organa, d o n o s i

## **O D L U K U**

**o pokretanju postupka javne nabavke radova:  
Izvođenje dodatnih radova na povećanju energetske efikasnosti na stambenim zgradama  
na području Kantona Sarajevo u 2017.godini, u ul. Trg heroja br. 32  
-Pregovarački postupak bez objave obavještenja o nabavci-**

### **I**

Odobrava se pokretanje postupka javne nabavke radova: Izvođenje dodatnih radova na povećanju energetske efikasnosti na stambenim zgradama na području Kantona Sarajevo u 2017.godini, u ul. Trg heroja br. 32.

Javna nabavka će se provesti putem Pregovaračkog postupka bez objave obavještenja o nabavci.

### **II**

Zakonski osnov za provođenje postupka javne nabavke je sadržan u članu 24 pod a). Zakona o javnim nabavkama – Posebni uslovi za primjenu pregovaračkog postupka bez objave obavještenja za nabavku radova.

### **III**

Procijenjena ukupna vrijednost iz tačke I ove odluke iznosi 25.628,37 KM bez PDV-a.

### **IV**

Finansijska sredstva za realizaciju ove nabavke su podsredstvom Ministarstva prostornog uređenja, građenja i zaštite okoliša Kantona Sarajevo obezbijeđena u Finansijskom planu Kantonalnog stambenog fonda Sarajevo za 2018. godinu, a vode se na Ekonomskom kontu broj: 5598 – Namjenski utrošak sredstava za povećanje energetske efikasnosti.

### **V**

Vrsta postupka javne nabavke: Pregovarački postupak bez objave obavještenja o nabavci

### **VI**

Kriterij za dodjelu ugovora je „najniža cijena“.

### **VII**

Za realizaciju ove Odluke zadužuje se Odjel za tehničke poslove Fonda.

### **VIII**

Ova odluka stupa na snagu danom donošenja.





### Obrazloženje

Odredbom člana 18. stav (1) Zakona o javnim nabavkama („Službeni glasnik BiH“, broj 39/14), propisano je da ugovorni organ pokreće postupak javne nabavke donošenjem odluke u pisanom obliku koja obavezno sadrži zakonski osnov za provođenje postupka javne nabavke, predmet nabavke, procijenjenu vrijednost nabavke, podatke o izvoru finansiranja i vrstu postupka javne nabavke.

Osim toga odredbama čl.: 21. pod d), 24. pod a) i 28. Zakona o javnim nabavkama („Službeni glasnik BiH“, broj 39/14), utvrđeno je da ugovorni organ može izuzetno zbog dokazivih razloga i krajnje hitnosti, a zbog dodatnih radova prethodno provedenog postupka javnih nabavki, postupak javnih nabavki provesti putem Pregovaračkog postupka bez objave obavještenja o nabavci.

U konkretnom slučaju je nakon provedenog postupka javnih nabavki putem otvorenog postupka i zaključenog ugovora sa izabranim ponuđačem broj: 02-01-273/2018 od 05.02.2018.godine, nastupila okolnost da je u toku izvođenja radova od izabranog izvođača došlo do povećanja obima radova na poziciji fasaderskih radova 4.1.b. (termika d=5cm) nastalih usljed projektantskog propusta u predmjerskom obračunu predmetne pozicije radova.

Saglasnost za izvođenje dodatnih radova i provođenje postupka javne nabavke putem pregovaračkog postupka bez objave obavještenja o nabavci na osnovu prethodno sklopljenog sporazuma iz 2017. godine data je od strane Ministarstva prostornog uređenja, građenja i zaštite okoliša Kantona Sarajevo pod brojem 05/01-14-25638-4/17 od 20.07.2018.godine.

Finansijska sredstva za realizaciju ove nabavke su podsredstvom Ministarstva prostornog uređenja, građenja i zaštite okoliša Kantona Sarajevo obezbijeđena u Finansijskom planu Kantonalnog stambenog fonda Sarajevo za 2018. godinu, a vode se na Ekonomskom kontu broj: 5598 – Namjenski utrošak sredstava za povećanje energetske efikasnosti.

Cijeneći naprijed navedeno odlučeno je da se pristupi provođenju javne nabavke na način kako je to definisano ovom odlukom.

#### Dostaviti :

- Odjel za tehničke poslove
- Odjel za pravne i ekonomske poslove
- Arhivi



DIREKTOR

dr.sc. Adnan Efendić

